



# Tahqtipkaidjutikhat

**Qilamik Tuhaqtidjutikhaq**

**Pitjutait higaarlukkut apirhuutini tuhaqtitaliqtut**

**IQALUIT, Nunavut (December 15, 2017)** – Minista Kiinauyaliqiyitkunni David Akeeagok tuhaqtipkaliqtait inirutait Nunavut Kavamatkunnin (GN) qaritauyakkuurutikkut higaarlukkut apirhuutinin uplumi.

“Niruaqtaulihaarhimayuq kavamakput anginiqaqtunik maligakkut ihumaliuqtukhat tikittukhani tatqiqhiutini, pitinnagu Kanadaup Kavamanga maliganguqtinqinnagu higaarumayunin aturniq higaarluknik July 2018-mi,” uqaqtuq Minista Akeeagok. “Apirhuutini kiutjutit ikayuqtaatigut kangiqhimanirnik hunanik Nunavunmiut ihumagiyainnik uumani uqautigiyauyumi, hivulliurniaqtaatigullu havagutiptikni maligalirnikkut higaarlunik Nunavunmi.”

Talvannga August 22-min, September 22-mun, 2017, avatquhimayut 1,400 Nunavunmiut kiuvaktut ukununga 26-siuyunun apirhuutinun. Apirhuutimin naunaiqhimayut tautungnaqtut kiuvaktut:

- naammagilluaqtaa maliganguqtittinganik higaarluknik;
- aallakkiiknik ihumaginiqaqtut qanuqtun higaaktauvaktut higaqtauyuittullu hagaarliut hunaliuqhimayut atuqtauyukhat inungniiviqarvikni;
- aallakkiiknik ihumaginiqaqtut kitkunniq tunirhaiyukhat niuvvaayukhallu higaarluknik;
- ihumayut GN-kut iliuraqtakhaa maligakkut ukiuqarniq 19-mut;
- pitquyaa GN-kut turaangatquplugu akiraqtuilugu maligakkuuqhimaittut niuvvaaniit qauyiharlugillu hulaqutiit higaarluknik aturnirnin; taimaaluu
- ilitturiyuummirumayut hulaqutainnik higaarluknik aturutinginnin.



## Tahqtipkaidjutikhat

GN piyumahimmaarniaqtuq uqautinik Nunavunmiunnin higaarluknik maliganguqtitaunirnik atulihaaliqqat 2018 taapkunuunga inungnun mittiqtipkainikkut tamainni pingahuni avikturhimanirni.

*Ihumagiayut higaarlukni Nunavunmi – Naunaitkutit Nunavut Kavamatkunnin Higaaluknik Maliganguqtitaunikkut Apirhuutinin takuyauttaaqtuq uvani:*  
[https://www.gov.nu.ca/sites/default/files/cannabis\\_legalization\\_survey\\_results-ikw.pdf](https://www.gov.nu.ca/sites/default/files/cannabis_legalization_survey_results-ikw.pdf)

Aallanik ilitturipkaitjutikhanik mikhaagut higaarluit maliganguqtitaunirnik, takulugu Kanadaup Kavamangani qaritauyakkuurutaani uvani  
[www.canada.ca/en/services/policing/justice/legalization-regulation-marijuana.html](http://www.canada.ca/en/services/policing/justice/legalization-regulation-marijuana.html),  
uvaniluunniit GN-kut qaritauyakkuurutaani uvani:  
<https://www.gov.nu.ca/in/kiinauyaliquiyikkut/information/aangayaarnaqtuq-nauhimayug>

###

### Tuhagaqtidjutikanut Uqaqvikhak:

Denise Grandmaison  
Atan'nguyaq, Tuhagakhanut  
Kiinauyaliquiyikkut  
867-975-6818  
[FinanceComs@gov.nu.ca](mailto:FinanceComs@gov.nu.ca)